



DEPUTACIÓN PROVINCIAL  
A CORUÑA

SERVIZO DE PATRIMONIO E CONTRATACIÓN



HERMANAS OBLATAS  
DEL SANTÍSIMO REDENTOR

Número 7 /2023

**XII.- Incorporación ao rexistro público de subvencións e publicación da subvención concedida.**

1.- En cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación das Hermanas Oblatas del Santísimo Redentor (Casa de Ferrol) serán remitidos á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto e co debido respecto á protección dos datos de carácter persoal, segundo o previsto na Lei orgánica 3/2018, do 5 de decembro, de Protección de Datos Persoais e garantía dos dereitos dixitais.

2.- Asemade, en cumprimento do disposto no artigo 16.3 da Lei 9/2007, de 13 de xuño, de subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao rexistro público de axudas, subvencións e convenios da Comunidade Autónoma de Galicia.

3.- Segundo o previsto no artigo 18 da Lei 38/2003, de 17 de novembro, xeral de subvencións, a concesión da subvención ás Hermanas Oblatas del Santísimo Redentor (Casa de Ferrol) será publicada no Boletín Oficial da Provincia da Coruña e na páxina web dacoruna.gal

4.- Un exemplar deste convenio, debidamente asinado, será incorporado ao rexistro de convenios que depende do Servizo de Patrimonio e Contratación da Deputación.

**XIII.- Vixencia do convenio, prórroga ou modificación.**

1.- O prazo de vixencia do presente convenio finalizará o **31 de outubro de 2023** e terá efectos retroactivos, polo que os investimentos contemplados nel poderán terse realizadas dende o 1 de xaneiro de 2022.

Esta vixencia queda subordinada á existencia do crédito adecuado e suficiente que para o Exercicio de 2023, autorice o correspondente Orzamento.

2.- Previa solicitude das Hermanas Oblatas del Santísimo Redentor (Casa de Ferrol), realizada alomenos un mes antes do fin da vixencia, o convenio poderá ser prorrogado por acordo expreso de ambas as dúas partes, e previos os informes preceptivos da Unidade Xestora, do Servizo de Patrimonio e Contratación, da Secretaría e da Intervención da Deputación.

3.- Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

**XIV.- Natureza, interpretación, modificación e xurisdición competente.**

1.- O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de subvencións, e na Lei 9/2007, de 13 de xuño, de subvencións de Galicia. Supletoriamente aplicarase a lexislación de contratos do sector público.

2.- A interpretación das dúbidas e lagoas que poidan xurdir na aplicación do presente convenio corresponderalle ao Presidente da Deputación, logo dos informes previos preceptivos da Unidade xestora, da Secretaría e da Intervención provincial.

3.- Corresponderalle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado polo Pleno da Corporación Provincial en sesión celebrada o **22 de decembro de 2022**.

E, en proba de conformidade, as partes comparecentes asinan en exemplar duplicado o presente convenio, no lugar e data indicados no encabezamento.

O PRESIDENTE DA DEPUTACION  
PROVINCIAL DA CORUÑA

O REPRESENTANTE DAS HERMANAS OBLATAS DEL  
SANTÍSIMO REDENTOR (CASA DE FERROL)

Asdo.: D. Valentín González Formoso

Asdo.: D. Roberto Ferreiro Eimil

O SECRETARIO ACCIDENTAL  
DA DEPUTACIÓN PROVINCIAL DA CORUÑA

Asdo. : D. Miguel Iglesias Martínez

**CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E AS HERMANAS OBLATAS DEL SANTÍSIMO REDENTOR (CASA DE FERROL) POLO QUE SE INSTRUMENTA UNHA SUBVENCIÓN NOMINATIVA PARA COFINANCIAR O EQUIPAMENTO PARA A ACTUALIZACIÓN DE RECURSOS TÉCNICOS PARA A REALIZACIÓN DE PROGRAMAS DE FORMACIÓN E EMPREGABILIDADE.**

En A Coruña, a 3 de febreiro de 2023

Ante mín, D. Miguel Iglesias Martínez, Secretario Accidental da Deputación Provincial da Coruña, como fedatario actuante

**REUNIDOS**

Dunha parte, **D. Valentín González Formoso**, Presidente da Excma. Deputación Provincial da Coruña, e Doutra parte, **D. Roberto Ferreiro Eimil**, en representación da Hermanas Oblatas del Santísimo Redentor (Casa de Ferrol), por delegación.

Os comparecentes interveñen en uso das facultades que, por razón dos seus cargos, estalles atribuídas.

**MANIFESTAN**

Dado o interese coincidente da Deputación de Coruña e das Hermanas Oblatas del Santísimo Redentor (Casa de Ferrol), ambas as dúas partes

**ACORDAN**

Formalizar o presente convenio de colaboración que se rexerá polas seguintes cláusulas

**I.- Obxecto.**

O presente convenio ten por obxecto a fixación das bases de outorgamento dunha subvención nominativa por esta Deputación a prol das **Hermanas Oblatas del Santísimo Redentor (Casa de Ferrol)**, NIF: R1500092J, fixando as condicións que se impoñen por esta administración concedente e os compromisos asumidos pola entidade beneficiaria para o financiamento parcial do **Equipamento para a actualización de recursos técnicos para a realización de programas de formación e empregabilidade**.

**II.- Orzamento de gastos da adquisición.**

As Hermanas Oblatas del Santísimo Redentor (Casa de Ferrol) realizarán o investimento obxecto do convenio, consonte ao seguinte orzamento desagregado:

CONCEPTO	IMPORTE
2 Estor enrollable screen	408,00
2 Smart Board MX275-V3	5.466,78
1 SMART Board MX265-V3	1.801,69
1 Escaner	307,00
1 Proxector	399,00
3 Móviles	263,01
1 Cámara de vídeo	356,85
Instalación de 3 pizarras interactivas dixitais	150,00
Instalación de 2 stores	95,00
Campá extractora	619,00
Instalación campá extractora	79,00
<b>TOTAL (I.V.E. incluído)</b>	<b>9.945,33 €</b>

### III.- Financiamento provincial e outros ingresos que se obteñan ou acheguen para a mesma finalidade.

1.- A Deputación Provincial da Coruña contribuirá ao financiamento do investimento, tal como se define na cláusula primeira, cunha achega máxima de **7.956,26 €** o que representa unha porcentaxe do **80 %** do orzamento total.

A cantidade restante, ata acadar o importe total do orzamento do investimento, está financiado con cargo a recursos, propios ou alleos, acreditando a entidade beneficiaria que ten consignado o crédito adecuado e suficiente para imputar a totalidade do gasto imputable á entidade.

2.- No caso de que o gasto xustificicado non acadase o importe total previsto na cláusula segunda, a Deputación só achegará o importe que represente o 80 %, da cantidade efectivamente xustificada. Agora ben, se a cantidade xustificada resulta inferior ao 75% do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

3.- O importe do financiamento provincial farase efectivo con cargo á aplicación orzamentaria 0611/23121/781, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

4.- A subvención da Deputación é compatible coa percepción doutras subvencións ou axudas, públicas ou privadas, que as Hermanas Oblatas del Santísimo Redentor (Casa de Ferrol) obteñan para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificicado.

5.- No caso de que a concorrencia de axudas ou subvencións supere o importe do gasto efectivamente xustificicado, minorarase a achega provincial no importe necesario para darlle estrito cumprimento ao apartado anterior.

### IV.- Contratación e execución.

1.- Na súa condición de adquirente, corresponderalle ás Hermanas Oblatas del Santísimo Redentor (Casa de Ferrol) o outorgamento dos correspondentes contratos. Non se poderá contratar con persoas o entidades vinculadas ás Hermanas Oblatas del Santísimo Redentor (Casa de Ferrol), nin con calquera outra na que conorra algunha das circunstancias ás que se refire o artigo 29.7 da Lei 38/2003, de 17 de novembro, Xeral de subvencións.

2.- Se o importe do investimento é superior a 15.000 €, con carácter previo á contratación, as Hermanas Oblatas del Santísimo Redentor (Casa de Ferrol) deberán solicitar alomenos tres orzamentos a distintos provedores. Entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente.

### V.- Publicidade do financiamento provincial.

1. Nos acordos que se tomen para realización dos investimentos farase constar o importe do financiamento provincial.

2. As Hermanas Oblatas del Santísimo Redentor (Casa de Ferrol) deberán colocar un cartel no Taboleiro de anuncios do centro de día Oblatas “O Mencer” ou en calquera lugar visible no que figure o logotipo da Deputación da Coruña e no que se se deixe constancia da data de adquisición e do financiamento provincial. O texto estará redactado en galego.

3.- Na publicidade pola que se dea a coñecer a realización das actividades das Hermanas Oblatas del Santísimo Redentor (Casa de Ferrol), ben sexa por medios escritos, radiofónicos ou televisivos, audiovisuais ou internet, etc. deberase facer constar sempre o financiamento da Deputación Provincial da Coruña.

4.- Coa memoria e conta xustificativa achegaranse documentos que acrediten o cumprimento desta obriga das Hermanas Oblatas del Santísimo Redentor (Casa de Ferrol).

### VI.- A xustificación necesaria para recibir a achega provincial.

A achega da Deputación seralle abonada ás Hermanas Oblatas del Santísimo Redentor (Casa de Ferrol) unha vez que se presente de xeito telemático a través da plataforma SUBTEL, a seguinte documentación:

\* **Certificación** do acordo polo que se aproba a adquisición dos bens ou equipamento, expedida polo órgano competente.

\* **Copia dos contratos** formalizados, actas de recepción e das facturas.

\* **Certificación** do acordo da incorporación do ben ao inventario de bens das Hermanas Oblatas del Santísimo Redentor (Casa de Ferrol) e acreditación, no seu caso, da inscrición a prol da entidade no rexistro público correspondente, deixando constancia no asento de inscrición da afectación do ben á finalidade para a que foi concedida alomenos por un prazo de cinco anos.

\* **Memoria de actuación**, suscrita polo representante legal das Hermanas Oblatas del Santísimo Redentor (Casa de Ferrol), xustificativa do cumprimento das condicións impostas neste convenio, coa indicación dos investimentos realizados, dos beneficiarios e dos resultados obtidos.

\* **Relación clasificada dos gastos** realizados (con IVE e sen IVE), no que se indiquen os acredores co seu NIF, os documentos xustificativos, os importes e, no seu caso, datas de pago; tamén se indicarán as desviacións con respecto ao orzamento detallado na cláusula segunda.

\* **Certificación** da aprobación das facturas e demais documentos xustificativos polo órgano competente.

\* **Acreditación** do cumprimento das obrigas tributarias e coa Seguridade Social, segundo o previsto na cláusula oitava.

\* **Declaración** doutras axudas ou subvencións solicitadas ou concedidas para a mesma finalidade.

\* **Declaración** de si a entidade está ou non exenta do IVE.

\* **Certificación** da conta bancaria, segundo o modelo aprobado pola Deputación.

\* **Acreditación** do cumprimento das obrigas asumidas na cláusula quinta, mediante a achega de documentos nos que conste a publicidade do financiamento provincial.

### VII. Termo para a adquisición e prazo de xustificación.

1.- Os investimentos que son obxecto de financiamento provincial, tal como están descritos na cláusula primeira, realizaranse entre o 1 de xaneiro de 2022 e o 31 maio de 2023.

2.- Unha vez rematado o investimento, as Hermanas Oblatas del Santísimo Redentor (Casa de Ferrol) deberá presentar a xustificación documental á que se refire a cláusula sexta antes do 31 agosto de 2023.

3.- De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requirimento ás Hermanas Oblatas del Santísimo Redentor (Casa de Ferrol) para que a presente no prazo improrrogable de quince días.

A falla de xustificación da subvención neste prazo excepcional conlevará a perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá ás Hermanas Oblatas del Santísimo Redentor (Casa de Ferrol) da sanción que, de conformidade co disposto na Lei de subvencións e na ordenanza provincial de desenvolvemento que resulte aplicable, lle poida corresponder.

4.- O abono da subvención materializarase mediante ingreso na conta da entidade financeira indicada polas Hermanas Oblatas del Santísimo Redentor (Casa de Ferrol) na documentación aportada.

### VIII.- Acreditación do cumprimento das obrigas tributarias e coa Seguridade Social.

1.- As Hermanas Oblatas del Santísimo Redentor (Casa de Ferrol) deberán acreditar, con carácter previo á sinatura deste convenio e logo, con carácter previo ao pago da subvención, que se atopan ao día no cumprimento das obrigas tributarias coa Administración do Estado, coa Comunidade Autónoma e coa Seguridade Social; e para tal fin poderán autorizar á Deputación a que obteña telemáticamente os correspondentes certificados.

2.- A acreditación do cumprimento das obrigas tributarias coa Deputación Provincial determinarase de oficio por esta.

### IX.- Destino e manexo dos fondos recibidos.

1.- As Hermanas Oblatas del Santísimo Redentor (Casa de Ferrol) destinarán os fondos recibidos ao pagamento dos xustificantes de gasto presentados.

2.- Co fin de garantir un adecuado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor; só excepcionalmente se poderá realizar o pago en metálico para gastos de ata 150 €, nos que non resulte posible a utilización dun dos medios anteriormente indicados.

3.- Sen prexuízo dos libros e rexistros contables que as normas xerais ou sectoriais lle poidan impor, as Hermanas Oblatas del Santísimo Redentor (Casa de Ferrol) deberán contar polo menos cun rexistro cronolóxico de cobros e pagamentos nos que se inclúan, entre outros, os relativos aos gastos xustificidos e aos ingresos declarados con respecto a esta subvención.

### X.- Control financeiro da Deputación e dos órganos de control externo.

1.- Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de subvencións de Galicia, as Hermanas Oblatas del Santísimo Redentor (Casa de Ferrol) poderán ser escolleitas pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento do investimento e o cumprimento de todas as demais obrigas formais e materiais que lle impón o presente convenio de colaboración.

2.- Asemade, de acordo co previsto na Lei 6/1985, de 24 de xuño, do Consello de Contas de Galicia, as Hermanas Oblatas del Santísimo Redentor (Casa de Ferrol) quedan sometidas aos procedementos de fiscalización que leve a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de axuízamento contable que poida incoar o Tribunal de Contas, e a calquera outro órgano de control, nacional ou europeo.

### XI.- Reintegro, infraccións e sancións.

1.- O incumprimento dalgunha das cláusulas previstas no presente convenio de colaboración poderá dar lugar a obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciarase de oficio e na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2.- Sen prexuízo do anterior, o dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previsto nas normas citadas e na ordenanza provincial de desenvolvemento que resulte aplicable.

3.- Para os supostos de retraso na realización do investimento ou retraso na presentación da xustificación se estará ao disposto na ordenanza provincial de desenvolvemento que resulte aplicable.